



ԴԱՒԻԹ ԱՆՑԱՂԹ

Մանրանկար «Սահմանք իմաստութեան» ձեռագրի անուանաբերբին. Մատենադարան, Զեռ. թիւ 1746, էջ Զա (1280 թ.) :

Ե. դարու հայ մեծանուն փիլիսոփայ Դաւիթ Անյաղքի ծննդեան 1500-ամեակին առիքով, մայր հայրենիքի մէջ քէ այլուր կազմակերպուած գիտական միջազգային նստաշրջանները անգամ մը եւս եկան հաստատելու, քէ հանճարեղ մտածողին իմաստասիրական աւանդը մեր օրերուն համար եւս կը մնայ ուսանելի:

Յաջորդ էջերուն մէջ երատարակուող գիտական չորս վկայութիւնները՝ նուիրուած Դաւիթ Անյաղքի իմաստասիրական աշխարհին, մեր յատուկ խնդրանելով Հանդէսին տրամադրուած են Սփիւրքահայութեան Հետ Մշակութային Կապի Կոմիտէին կողմէ, որուն կը յայտնին մեր մասնաւոր շնորհակալութիւնները:

Դաւիթ Անյաղթի փիլիսոփայութեան սահմանումները եւ դրանց արդիական նշանակութիւնը

ԵՈՒՐԻ ՄԵԼՎԻԼ *

Անցեալի մէծ մտածողի ժառանգութեան կարելի է ունենալ կրկնակի մօտեցում: Կարելի է հետաքրքրուել, թէ նա ինչ տեղ է զբաղեցնում փիլիսոփայութեան պատմութեան մէջ: Այդ դէպքում հարկ է բացայացել նրա կեանքի ընկերապատմական իրադրութիւնը, վերլուծել նրա բերած տւանդը փիլիսոփայական մտքի զարգացման դործին, ժամանակակիցների ու հետնորդների վրայ նրա թողած աղդեցութիւնը, նրա զաղափարների ճակատագիրը: Այդպիսի մօտեցումը ոչ միայն օրինական է, այլեւ անհրաժեշտ՝ փիլիսոփայութեան պատմութիւնն ուսումնասիրելիս եւ դասաւանդելիս, եւ մէնք միշտ օգտուում ենք այդ մօտեցումից: Սակայն հնարաւոր է նաև այլ մօտեցում: Կարելի է առաջ քաշել ոչ թէ այն հարցը, թէ ինչ նշանակութիւն ունեն տուեալ փիլիսոփան եւ իր ուսմունքը տուեալ ժամանակի համար, այլեւ այն՝ թէ դրանք ինչ նշանակութիւն ունեն մեր ժամանակի համար, մեր սեփական տեսական խնդիրները լուծելու համար: Սակայն տուեալ մօտեցումը արդեօք օրինաշա՞փ է: Արդեօք արդարացի՞ է դրանում ամփոփուած այն յոյսը, թէ շատ դարեր առաջ արտայայտուած զաղափարները այժմ էլ կարող են ու-

* Փրոփ. Եուրի Մելվիլ վարիչն է Մոսկուայի Համալսարանի Արտասահման-իան Փիլիսոփայութեան Պատմութեան Ամբիոնին:

նենալ ոչ միայն պատմական, այլեւ տեսական եւ գործնական այժմէ մէկական հետաքրքրութիւն:

Ի հարկէ, երբ խօսքը բնական գիտութիւնների կամ մաթեմատիկայի մասին է, ապա անցեալ գիտնականների նուաճումներն ու գիտութիւնները ներհւառում են գիտութիւն բուն մարմնին՝ ինչպէս Պիտթագորասի վարկածը կամ Արքիմեդի օրէնքը: Սակայն չէ որ դա այն գիտութիւնն է, որ սկզբունքօրէն տալիս է ստուգուած եւ ապացուցուած համընդհանուր ճշմարտութիւններ: Դա փիլիսոփայութիւն չէ, որտեղ իւրաքանչիւր մտածող, իւրաքանչիւր գպրոց տուել է իր սևիական հայեացակէտը, որտեղ այնպէս հազուադէպ է ձեռք բերուել ընդհանուր համաձայնութիւն եւ որտեղ այնքան դժուար է ապացուցել որեւէ դրոյթ: Եթէ մենք հաւատում ենք Պիտթագորաս-մաթեմատիկոսի վարկածի ճշմարտութեանը, արդեօք դա նշանակում է, թէ մենք կարող ենք ընդունել նրա փիլիսոփայական հայեացքները, ասենք, փիլիսոփայութեան նրա սահմանումը, նրա ուսմունքը այն մասին, թէ ամէն ինչ կազմուած է թուերից, նրա միտքը ոլորտների ներդաշնակութեան մասին: Ի հարկէ, ոչ:

Բայց եւ այնպէս, այստեղից չի հետեւում, թէ նրա փիլիսոփայական դադափարները չեն կարող մեզ համար այնպիսի նշանակութիւն ունենալ, ինչպէս որ ունեն նրա մաթեմատիկական դադափարները: Հարցն այն է, որ այդ նշանակութիւնները տարբեր են: Նրա մաթեմատիկական վարկածը մենք ընդունում ենք որպէս դիտական առարկայական ճշմարտութիւն, իսկ նրա փիլիսոփայական հայեացքները՝ որպէս խորհրդածութեան նիւթ, որպէս մտքի խթանիչ, որպէս ակնարկ՝ հետազոտութեան հնարաւոր, բայց ոչ պարտադիր ուղիներից մէկի մասին:

Փիլիսոփայական խնդիրները առ հասարակ, այդպէս էլ խընդիրներ են մնում դարեր ու հազարամեակներ շարունակ: Փիլիսոփաները դրանց անդրադանում են կրկին ու կրկին, ամէն անդամ մի նոր տեսանկիւնից, ամէն անդամ իմաստաւորելով դրանք նորովի, վերանայելով նախկին լուծումները, տալով դրանց նոր տարբերակները: Փիլիսոփայութեան մէջ քիչ կան դրոյթներ, որոնք կարելի է համարել բացարձակ ճշմարտութիւն, որոնք հնարաւոր էր սերտել մէկընդմիտ: Նիւթը առաջնային է, իսկ գիտակցութիւնը՝ երկրորդական — ահա առաջին անվիճելի ճշմարտութիւնը: Շարժումը նիւթի անկապտելի յատկանիշն է՝ սա երկրորդն է: Սակայն արդէն այստեղ ծալում են հարցեր ու տարածայնութիւններ: արդեօք կարելի է խօսել շարժման աղբիւրի մասին, որքանով որ այն հանդիսանում է ատրիբուտ, այսինքն՝ նիւթի անքակտելի յատկանիշ...

Սակայն հենց այն պատճառով, որ փիլիսոփայութիւնը ծայրից-ծայր խնդրայարոյց է, որ այն շարունակ վերադառնում է իր «յաւերժական խնդիրներին», անցեալի մեծ ուսմունքները չեն դառնում միայն պատմութեան սեփականութիւն։ Հենց այդ պատճառով էլ նաեւ փիլիսոփայութեան պատմութիւնը լոկ պատմութիւն չէ։ Ահա թէ ինչո՞ւ անցեալի մեծ մտածողի ուսմունքը կարող է նաեւ անմիջական նշանակութիւն ունենալ արդիականութեան համար։ Մենք կարող ենք նրան վերաբերուել ինչպէս մեր այժմէական բանավէճերի մասնակցի, քանի որ նրա բազմաթիւ խնդիրները նաեւ մեր խնդիրներն են։

Սակայն հարցը միայն ընդհանուր խնդիրների առկայութիւնը չէ։ Անցեալի մտածողները, չնայած նրանց պատմական սահմանափակութեանը, ունեն բազմաթիւ իսկական կանխատեսումներ եւ ճշմարիտ յայտնագործութիւններ։ Մենք հազուադէպ, շավազանց հազուադէպ ենք յենուում նրանց դաղափարների վրայ, դրանք քիչ ենք օգտագործում՝ ինչպէս մեր տեսական աշխատութիւններում, այնպէս էլ ժամանակակից իտէլլիստական ըմբռումները քննադատելու համար։ Մի կողմից՝ մենք բարձր գնահատական ենք տալիս նրանց, հրատարակում ենք նրանց գործերը, համարում փիլիսոփայութեան դասականներ, իսկ միւս կողմից՝ զրեթէ լրիւ անտեսում ենք նրանց ուսմունքի տեսական բովանդակութիւնը եւ նրա նշանակութիւնը արդիականութեան համար։ Եւ, ի հարկէ, դրանով մենք շատ բան ենք կորցնում։ Ես կ'ասէի՝ ինքներս կողոպտում ենք մեզ։

Անդրադառնալով հայ մեծ փիլիսոփայ Դաւիթ Անյաղթի ստեղծագործութեանը, մենք կարող ենք այդ անձի մէջ տեսնել ոչ միայն պատմական դէմք, որ նշանակալի գեր է խաղացել իր ժողովրդի հոգեւոր մշակոյթի գարգացման գործում, ոչ միայն մի մարդու ում փիլիսոփայական հզօր տաղանդը թոյլ տուեց ստեղծագործաբար իւրացնել յոյն մտածողների բազմաթիւ լաւագոյն դաղափարները եւ ստեղծել մի ինքնատիպ փիլիսոփայական սինթեզ։ Այլեւ նրա անձում մենք կարող ենք տեսնել մի մտածողի, ում դաղափարները արժանի են մեր ամենառուշաղիր վերաբերմունքին հենց այն խնդիրների տեսանկեւնից, որոնք ծառացած են մեր գիմաց այսօր։ Մի իմաստունի, ում կարծիքի հետ արժէ հաշուի նստել մեր խնդիրները լուծելիս։

Ես կը ցանկանայի անդրադառնալ «Սահմանք իմաստասիրուեան»ում, Դաւիթ Անյաղթի առաջ քաշած մի քանի հարցերի։ Ես չեմ տայ նրա հայեացքների ընդհանուր ընաթագիրը, չեմ խօսի նոր պղատոնականների դպրոցին նրա պատկանելու մասին, քննութեան չեմ առնի նրա վերաբերմունքը դէպի միւս փիլիսոփաները։

Ես նրա հայեացքները կը վերցնեմ այնպէս՝ ինչպէս որ գրանք կան, դրանց այսպէս առած՝ կանխիկ արժէքով:

Իր երկում Դաւիթ Անյաղթը առաջ է քաշում այն հարցը, թէ ինչ բան է փիլիսոփայութիւնը, ինչով է զրադում այն, որն է նրա կոչումը: Բայց չէ՞ որ սա փիլիսոփայութեան յաւերժական հարցն է, որը մեր օրերում էլ նոյնքան արդիական է հնչում, որքան եւ մէկ եւ կէս հազար տարի առաջ: Այդ հարցին պատասխանելը դիւրին չէ: Թէեւ մենք փիլիսոփայական երկը միշտ կարող ենք տարրերել մասնայատուկ զիտական, դրական, հրապարակախօսական եւ այլ երկերից, սակայն մենք լուրջ դժուարութիւնների ենք բախւում՝ երբ հարկ է լինում տալ փիլիսոփայութեան ընդհանուր սահմանումը:

Արեւմտեան արդի փիլիսոփայութիւնում զոյութիւն ունեն փիլիսոփայութեան բազմաթիւ եւ ամենաբազմապիսի սահմանումներ ու հասկացութիւններ: Հիւսերլը փիլիսոփայութիւնը սահմանում է որպէս երեւութարանութիւն (phenomenology), այսինքն՝ որպէս նկարագրական զիտութիւն զիտակցութեան երեւոյթների մասին: Հայտիւրը այն սահմանում է որպէս «մտածողութիւն լինելութեան մասին»: Փասրերզը՝ որպէս «գոյութեան ինքնապայծառացում», նէոպողիտիվստները՝ «լեզուի տրամաբանական վերլուծութիւն»ը, եւայլն:

Մարզսիստ-փիլիսոփաների մէջ էլ այս հարցում համերաշխութիւն չկայ: Ոմանք փիլիսոփայութեան առարկան տեսնում են իմացութիւնը ուսումնասիրելը, միւսները՝ նրա գլխաւոր առարկան համարում են մարդուն, երրորդները՝ այլտեղ գտնում են ինչ որ գոյաբանութիւն: Փիլիսոփայութեան դասագրքային սահմանումը՝ «զիտութիւն բնութեան, հասարակութեան եւ մտածողութեան առաւել ընդհանուր օրէնքների մասին», վաղուց արդէն դադարել է բաւարարել մեզ: Վերջերս արուեց, իմ կարծիքով, մի յաջող փորձ՝ տալու փիլիսոփայութեան աւելի լլիւ — սինթետիկ սահմանում՝ «աշխարհի եւ մարդու ընդհանուր տեսութիւն»¹, սակայն այդ սահմանումն էլ համընդհանուր ճանաչում չի գտել:

Խոկ ի՞նչ է ասում Դաւիթ Անյաղթը: Ամենից առաջ նա տալիս է սահմանման իր ըմբռնումը: Դաւիթ Անյաղթի համար սահմանումըն է՝ «բան կարծառութ, յայտնիչ բնութեան ենթակայ իրի»²: Դրանից յետոյ նա բերում է փիլիսոփայութեան ոչ թէ մէկ, այլ վեց սահմա-

1. Բ. Տ. Գրիգորեան (Խմբ.), Փիլիսոփայութիւնը և Գիտութեան Արժէքային Զեւրը, Մոսկովա, 1978, էջ 15 (ռուսերէն):

2. Դաւիթ Անյաղթ, Երկեր, Մոսկովա, 1975, էջ 180 (ռուսերէն): Հետազայում սոյն հրատարակութեան էջերը կը նշուեն յօդուածում:

նում, որոնք պատկանում են Պիլիստագորասին, Պղատոնին եւ Արիստոտելին։ Այլ կերպ ասած, նա հրաժարում է մէկ-միակ սահմանման փորձից, այսինքն՝ փիլիսոփայութեան էութիւնը մէկ նախադասութեամբ արտայայտելու փորձից։ Թէեւ նրա բերած սահմանումները փոխ առնուած են ուրիշ փիլիսոփաներից, բայց Դաւթին են պատկանում այն ծառայութիւնն ու արժանիքը, որ նա ըմբռնեց — փիլիսոփայութեան բովանդակութիւնը այնքան համապարփակ է եւ բազմակողմանի, որ ոչ մի առանձնակի սահմանում այն արտայայտել չի կարող։ Միայն մի շարք սահմանումների միջոցով, որոնք ընդգրկում են փիլիսոփայութեան բովանդակութեան տարրեր կողմերը, եւ, այդպիսով, փոխադարձաբար լրացնում միմեանց, հնարաւոր է քիչ թէ շատ ամբողջական եւ լրիւ պատկերացում տալ նրա մասին։ Ինձ թւում է, թէ այդ գաղափարը չափազանց հեռանկարային ուղի է բաց անում փիլիսոփայութեան առարկային նուիրուած մեր բանավէճերի համար։

Դաւթի բերած սահմանումները այսպիսիք են. առաջին՝ փիլիսոփայութիւնը գիտութիւն է գոյերի մասին, որպէս այդպիսին։ Երկրորդ՝ փիլիսոփայութիւնը գիտութիւն է աստուածային եւ մարդկային իրողութիւնների մասին։ Երրորդ՝ փիլիսոփայութիւնը խորհրդածութիւն է մահուան մասին։ Չորրորդ՝ փիլիսոփայութիւնը Աստծուն նմանութեն է ըստ մարդկային կարողութեան։ Հինգերորդ՝ փիլիսոփայութիւնը արուեստների արուեստն է եւ գիտութիւնների գիտութիւնը։ Վեցերորդ՝ փիլիսոփայութիւնը սէր է իմաստասիրութեան նկատմամբ (էջ 52)։

Դաւթիթը հասկանում է, որ փիլիսոփայութիւնը որպէս մարդկային ձեռնարկում, որպէս նրա կը կը առարկայ (ոչը իմաստութեան նկատմամբ) — պահանջում է նաեւ այլ բնութագրութիւն, որը հնարաւոր է ձեւակերպել այլ դատողութիւնների միջոցով, հենց այնպիսի՝ որոնք մենք կոչում ենք արժէքաւորող։ Նա ասում է. «Փիլիսոփայութիւնը իմաստութեան, արուեստների եւ ընդհանուր գիտութիւնների մայրն է» (էջ 53)։ Սա, ի հարկէ, սահմանում չէ, սա արժէքաւորող դատողութիւն է, որքանով որ «իմաստութեան մայր» արտայայտութիւնը փոխարերութիւն է, որը ծառայում է փիլիսոփայութիւնը փառարանելուն, հաստատելուն նրա, ինչպէս ինքն է ասում՝ միւս գիտութիւնների նկատմամբ ունեցած փիլիսոփայութեան առաւելութիւնը» (էջ 53)։ Որպէս առաւել բարձրագոյն եւ աղնուագոյն մի գործից, որին ընդունակ է մարդք։ Քննութեան առնենք փիլիսոփայութեան սահմանումները։

Փիլիսոփայութիւնը առաջին հերթին բնորոշւում եւ սահմանում է որպէս գիտութիւն, որպէս հենց գիտութիւն գոյի մասին։ Դա

Համընդհանուր գիտութիւն է, իսկ համընդհանուր փիլիսոփայութեան կրողը հանդիսանում է բանականութիւնը: Արդեօք այս սահմանումը կարեւո՞ր է հիմա մեղ համար: Այս, կարեւոր է, որովհետեւ այն ուղղուած է մի կողմից փիլիսոփայութեան անբանական մեկնութեան դէմ, որը այն հակալրում է գիտութեանը եւ բանականութեանը, իսկ միւս կողմից՝ նէպոպիտիվ այն մերժման դէմ, որը հրաժարում է փիլիսոփայութեան մէջ տեսնել գիտութիւն զոյի մասին: Սակայն, ինչպէս Դաւիթ Անյաղին է վկայում, երոպական փիլիսոփայական աւանդոյթի տակաւին ըուն ակունքում փիլիսոփայութիւնը հասկացուել է հենց որպէս գիտութիւն ըոլոր գոյերի մասին, որպէս բանականութեանը համայնք բարձրագոյն գործք: Մենք նոյնպէս փիլիսոփայութիւնը համարում ենք ամենից առաջ գիտութիւն եւ մեր թիկունքում, այդպիսով, ունենք փիլիսոփայութեան ամբողջ երկուս եւ կէս հազարամեայ պատմութիւնը:

Ապա ևս քննութեան կ'առնեմ ոչ թէ երկրորդ, այլ հինգերորդ սահմանումը, որը պատկանում է Արիստոտելին եւ յայտարարում է, թէ փիլիսոփայութիւնը արուեստների արուեստն է եւ գիտութիւնների գիտութիւնը: Այս սահմանումը ունի նաեւ արժէքաւորման պահ: Այն ծառայում է փիլիսոփայութիւնը միւս ըոլոր արուեստներից եւ գիտութիւններից վեր դասելուն: Բայ Դաւիթի, «Երբ մենք ասում ենք արուեստների արուեստ՝ դրանով իսկ փիլիսոփայութիւնը նմանեցնում ենք թագաւորի», իսկ «գիտութիւնների գիտութիւն առելով, մենք փիլիսոփայութիւնը նմանեցնում ենք Աստծուն»: Միեւնոյն ժամանակ այս սահմանումը բացայացում է փիլիսոփայութեան ընոյթն ու կոչումը: Դաւիթ Անյաղի բացատրում է, որ Արիստոտելը «այն պատճառով սահմանեց փիլիսոփայութիւնը որպէս արուեստների արուեստ եւ գիտութիւնների գիտութիւն, որովհետեւ փիլիսոփայութիւնը ճանաչում է իրերի բնութիւնը, իսկ նրանց արտաքին կողմերն ու գրսեւորումները թողնում է ճանաչել արուեստներին եւ գիտութիւններին» (էջ 71): Փիլիսոփայութիւնը առանձնացնում, զատում է ըոլոր իրերի հիմքը, բոլոր արուեստներին եւ գիտութիւններին տալիս է սկզբնաղբերներ ու սկզբնապատճառներ, եւ կարող է նոյնիսկ շտկել նրանց սխալները: Վերջին դէպքում Անյաղի ակնյայտօրէն նկատի ունի տրամարանական սխալները: Այս սահմանման քննութիւնը նա աւարտում է հետեւեալ բառերով: «Դարձեալ պէտք է գիտենալ, որ Արիստոտելը փիլիսոփայութիւնն անուանում է արուեստների արուեստ եւ գիտութիւնների գիտութիւն այն պատճառով, որ ըոլոր բանական արուեստները կարիք ունեն բաժանման, սահմանման եւ ապացուցման, որոնց մայրն է ճանաչուած փիլիսոփայութիւնը» (էջ 73):

Արիստոտելի և Դաւիթ Անյաղթի ժամանակներից այդքան անց՝ գիտութիւնը, որ զեռեւս իր օրօրոցում էր, աճել-զարձել է հոգեւոր և արտադրական հզօր ոյժ։ Այն սկսել է յաւակնել մտաւոր լիակատար ինքնավարութեան։ Այնինչ՝ փիլիսոփայութիւնը համեստացել է։ Այն արդէն չի համարձակուի իրեն անուանել գիտութիւնների գիտութիւն, եւ նրա այդպիսի ըմբռոնումը ժխտուած է մարզսիստական դրականութիւնում։ Հնարաւոր է, ու արուած է որպէս ինքնաքննադատութիւն... Այնուամենայնիւ, փիլիսոփայութեան եւ գիտութեան յարաբերութեան՝ Դաւիթ Անյաղթի ասածի մասին արժէ խորհրդածել, որովհետեւ տարրական ճշմարտութիւն է՝ որ առանց փիլիսոփայութիւնը չի դարձանայ, որ նրա մեթոդական հիմքերը վերաբերում են փիլիսոփայութեան ոլորտի։ Պատահականութիւն չէ, որ գիտութեան եւ փիլիսոփայութեան պատմութեան հենց առաջին օրերին հասկացուել էր դրանց անխզելի կապի անհրաժեշտութիւնը։ Ինչպիսիք էլ լինեն փիլիսոփայութեան միւս գերը, գիտութեան մեթոդական զեկավարման գերը ամենակարեւորներից մէկն է։ Ու թէեւ որոշակի-գիտական հետազօտութիւնները փիլիսոփայական դատողութիւններով փոխարինելը թոյլատրելի չէ, ես վստահ չեմ, թէ արժէ այդպէս վախենալ փիլիսոփայութիւնը որպէս գիտութիւնների գիտութիւն սահմանելուց այն իմաստով, որը նրան հազորդում է Դաւիթ Անյաղթը։

Անդրադառնանք այժմ փիլիսոփայութեան երկրորդ սահմանմանը։ Այն ասում է, որ փիլիսոփայութիւնը գիտութիւն է աստուածային եւ մարդկային իրողութիւնների մասին։ Աստուածային գործերի մասին յիշատակելլ, ի հարկէ, տուրք է կրօնին, որից խուսափել փիլիսոփայութիւնը այն ժամանակ չէր կարող ոչ մի կերպ։ Սակայն սահմանման երկրորդ մասը արդէն խօսում է մարդկային իրողութիւններից՝ ինչպէս որ երրորդ սահմանումը — փիլիսոփայութիւնը խորհրդածութիւն է մահուան մասին, չորրորդը՝ փիլիսոփայութիւնը Աստծուն նմանուելն է ըստ մարդկային կարողութեան, եւ վեցերորդը՝ փիլիսոփայութիւնը սէր է իմաստութեան նկատմամբ։ Այսպիսով, այդ լուրով սահմանումները համակեդրոնանում են մարդու վրայ՝ նրա կեանքի ու մահուան վրայ։ Փիլիսոփայութիւնը մարդուն պէտք է օգնի դլուխ հանել իր վախճանաւոր լինելու խնդրից։ այս միտքը անցնում է փիլիսոփայութեան ամբողջ պատմութեան միջով՝ սկսած Սոկրատից ու Պլատոնից, ապա Մոնթէյն, Պէյքըն, Սպինոզա, Քանդ՝ ընդհուպ մինչեւ ժամանակակից դոյութենապաշտները, Այնշթայնը եւ Ռամզը։ Յաւօք, մէծ փիլիսոփաները սովորաբար աշխատում են ըրջանցել։

Փիլիսոփայութիւնը որպէս Աստծուն նմանուելու գաղափարը,

մարդու հոգեւոր, այսինքն մտաւոր եւ բարոյական անընդհատ կատարելագործման անհրաժեշտութեան դաղափարն է՝ արտայայտուած աստուածաբանական լեզուով։ Դաւիթն ասում է. «Աստծու կերպարին յատուկ են հետեւեալ երեք յատկանիշները՝ բարութիւնը, իմաստութիւնը եւ հոգութիւնը... Կատարեալ փիլիսոփան նորյագէս բնութագրուում է այս երեք յատկանիշներով՝ բարութեամբ, իմաստութեամբ եւ ուժով։ Բարութեամբ, որովհետեւ ինչպէս Աստուած խնամում է բոլորին, այնպէս էլ կատարեալ փիլիսոփան հոգ է տանում անկատար հոգիների մտաին, եւ իմացման միջոցով անկատար եւ անդէտ հոգին հասցնում է կատարեալ գիտութեան, իսկ իմաստութեամբ է բնութագրուում, որովհետեւ ինչպէս Աստուած ամէն ինչ գիտէ, այնպէս եւ կատարեալ փիլիսոփան ձգտում է ամէն ինչ իմանալ, իսկ բնութագրուում է ուժով, որովհետեւ ինչպէս Աստուած կարող է անել այն ամէնը, ինչ որ կամենայ, այնպէս եւ կատարեալ փիլիսոփան կամենում է այնքան, ինչքան կարող է անել» (Էջ 66-67)։

Այդ դատողութիւնը նաև հանրագումարի է բերում փիլիսոփայութեան վեցերորդ սահմանմամբ, հետեւեալ ձեւով. «Նմանուել Աստծուն, նշանակում է խոհեմութեամբ տոգորուած դառնալ բարեպաշտ եւ արդար» (Էջ 68)։ Ահա բուն էութիւնը՝ թէ ի՞նչ բան է փիլիսոփայութիւնը եւ թէ ի՞նչ է ուսուցանում։ Փիլիսոփայութիւնը միայն դիտելիքների ձգտում չէ, միայն համընդհանուր գիտութիւն չէ զոյլի մասին, ամենից առաջ այն իմաստութեան սէր է, իմաստութիւն, որը դիտելիքը եւ բարոյականութեան միասնականութիւնն է։ Փիլիսոփայութեան նշանակութիւնը մարդկային կեանքում հենց այն է, որ նա միացնում է դիտելիքը եւ առաքինութիւնը, կամ գիտութիւնը եւ բարոյականութիւնը։ Գիտելիքը հանդիսանում է մարդու կատարելագործման անհրաժեշտ, բայց ոչ բաւարար նախադրեալը։ Նուազ կարեւոր չէ նրա առաքինի կամ բարոյական լինելը։

Փիլիսոփայութեան այդ երկակի բովանդակութեան եւ ձըգտման համաձայն էլ Դաւիթ Անյաղթը նրա մէջ տեսնում է երկու մաս. «Փիլիսոփայութիւնը բաժանում է տեսականի եւ գործնականի, որովհետեւ տեսականի միջոցով մենք ճանաչում ենք բոլոր գոյերը, իսկ գործնականի միջոցով ուղղում ենք մեր բարքերը» (Էջ 81)։ Փիլիսոփայութեան երկու մասերի փոխյարաբերութիւնը նա քննութեան է առնում, ըստ էութեան, դիտելեկտիկօրէն։ Դաւթի միտքը՝ փոխանցուած աւելի ժամանակակից լեզուի, այն է, որ տեսութիւնը վեր է գործնականից, «որովհետեւ ճանաչման համար տեսութեանն են ենթարկեւում բոլոր գոյերը, իսկ գործնականին՝ միայն մարդկային հողիները»։ Սակայն գործնականը վեր է տեսութիւնից ըստ իր նպատակի, «որովհետեւ տեսութեան նպատակը ճշմարտութիւնն է,

մինչդեռ գործնականի նպատակը բարիքն է . . . իսկ բարիքը աւելի նախընտրելի է, քան ճշմարտութիւնը, որպէս աւելի ընդհանուր եւ համապարփակ մի բան, որովհետեւ այն ամէնը, ինչ ճշմարիտ է՝ բարի է, բայց ամէն մի բարի բան ճշմարիտ չէ . . .» (էջ 83) :

Միաժամանակ, ըստ Դաւթի, տեսութիւնը առաջնային է, քանի որ զործնականը զոյսութիւն ունի տեսութեան եւ բանականութեան չնորհիւ, թէեւ դասնով զործնականի նշանակութիւնը չի նսեմանում, որովհետեւ այն «բանականութեան միջոցով զարդարում է բարոյականութիւնը եւ սանձահարում է կրքերը . . . ինչպէս ասում է Պղատոնը՝ «Ես փիլիսոփիայ եմ անուանում ոչ այն մարդուն, որ շատ բան գիտէ եւ ոչ նրան, ով շատ բաների մասին կարող է խօսել, այլ նրան, ով անբիծ ու անարատ կեանք է վարում»: Որովհետեւ կատարեալ փիլիսոփան նա չէ, ով մեծ դիտելիքներ ունի, այլ նա՝ ով կարող է հնազանդեցնել կրքերը» (էջ 95-96): Այսպիսով, փիլիսոփայութեան երկու մասերը զոյսութիւն չունեն մէկը միւսից անկախ, նրանք գանւում են դիալեկտիկական մշտական փոխներգործութեան մէջ, փոխանցում են մէկը միւսին՝ լոկ մշտական վերցուած կազմելով փիլիսոփայութիւնը: Այդ պատճառով «կարելի է նաև տեսականը անուանել զործնական, եւ զործնականը՝ տեսական»: Եւ տեսականը զործնական են անուանում այն պատճառով, որ տեսութիւնը մտածողութեան զործ է, իսկ զործնականը անուանում են տեսական, որովհետեւ զործնականը տեսականի ծնունդ է, որովհետեւ նա տեսականի միջոցով հասնում է ողջախոհութեան, բարի լինելու գաղափարին, իսկ այնուհետեւ զործելով իրականացնում են նոյնը» (էջ 93) :

Դաւթի լեզուն, ի հարկէ, հնամենի է: Մեր ժամանակներում հազիւ թէ ուեւէ մէկի մտքով անցնի խօսել բարեսպաշտութեան կամ առաքինութեան մասին: Միամիտ է հնչում նաև «կրքերի սանձահարում» արտայայտութիւնը: Մեր բարոյադիտութիւնը գերադասում է չխօսել կրքերի մասին, եւ դրանց հասկացութիւնը անցել է հոգեբանական զիտութեան ուղրուը: Բայց բարոյական բովանդակութեան մասին առաջ քաշուած գաղափարը, բարոյական բովանդակութիւն, որ հենց ներքնապէս յատուկ է փիլիսոփայութեան հասկացութեանը,— արժանի է ուշադրութեան եւ պահպանում է իր արդիականութիւնը նաև մեր օրերում: Դաւթի համար փիլիսոփայութեամբ զրադուելը պէտք է օժանդակի մարդու բարոյական, եւ ո՛չ միայն մտաւոր կատարելագործմանը: Այդ պատճառով էլ փիլիսոփայութիւնը դիմում է իրաքանչիւր առանձին մարդու եւ նրան ներկայացնում բարոյական պահանջներ:

Դաւթի այդ գաղափարները արդեօք որեւէ նշանակութիւն ու-

ՆԵՐՆ ՄԵՂ ՀԱՄԱՐ : ԱՅԱՍՏԱՐԱԿՈՒՅ՝ այս : Ես կարծում եմ, որ մեր օ-
րերում մարդու բարոյական գաստիարակութիւնը, զիտութեան մե-
թոգական զեկավարման հետ մէկտեղ, պէտք է լինի փիլիսոփայու-
թեան գլխաւոր պաշտօններից մէկը :

Ինձ թւում է, որ փիլիսոփայութիւնը պէտք է աւելի շատ գլ-
մի մարդուն, տուեալ որոշակի անհատին, պէտք է ձգտի նրան հաս-
ցընել իր բարոյական բովանդակութիւնը, անմիջական արձագանգ
ծնի նրա մտքում եւ որտում : Այդ ժամանակ նա կը կարողանայ ան-
համեմատ աւելի մեծ դեր խաղալ նրա աշխարհայեացքը ձեւաւորե-
լու գործում : Այս տեսանկիւնից Դաւիթ Անյաղթի «Սահմանք իմաս-
տասիրութեան»ում շարադրուած հայեացքները մեղ համար եւս ու-
նեն անանց արժէք :

Եղափակելով, կը ցանկանայի ասել. անցեալի մեծ մտածող-
ների փիլիսոփայական ժառանգութիւնը իմաստութեան եւ բարոյա-
կան ուժի յաւիտենական, անհատնում աղբիւր է : Կարելի է միայն
ցանկանալ փիլիսոփաներին, որ աւելի յաճախ ու աւելի շատ վերցը-
նեն այնտեղից :

DAVIT ANHAGHT: THE DEFINITIONS OF PHILOSOPHY

YURI MELVIL

(Summary)

Davit Anhaght (V-VI centuries A. D.) is not only a synthesizer and creative assimilator of the classical Greek tradition into Armenian philosophy, but also a man who has played a decisive role in the development of Armenian intellectual heritage.

In his «Definitions of Philosophy» Davit finds the nature and the role of philosophy best explained through the sum of six definitions, which are as follows: philosophy is the science of being; it is the science of human and divine things; it is the contemplation of death; it is the imitation of God; it is the science of sciences and art of arts, and finally it is the love of wisdom.

In conclusion, we find that since the primary aim of philosophy should be the formation of the individual's personality and his worldview, Davit's specific conception of philosophy has permanent value both for his and our time.